



KENYATAAN MEDIA

500 Peserta Meriahkan Program Jom Fit Bersama SUKSIS UniMAP

Sungai Chuchuh, 4 Disember 2016 – Seramai 500 peserta menyertai pelbagai program sempena program Jom Fit bersama Kor Sukarelawan Polis Siswa/Siswi (SUKSIS) yang berlangsung di Kampus Uniciti ALAM Universiti Malaysia Perlis (UniMAP), di sini hari ini.

Program anjuran Kelab SUKSIS UniMAP dan Pusat Sukan UniMAP itu mempertandingkan tiga acara iaitu ‘5 Kilometer Zorro Run’, ‘Fear Factor Physical Fit’ dan Sukan Rakyat.

Pengarah Program, Danial Mirza Muammar Rozilan berkata, Jom Fit SUKSIS dianjurkan bertujuan meningkatkan kecergasan badan dan kecergasan minda warga SUKSIS di samping menguji ketahanan mental serta fizikal.

“Program Jom Fit ini adalah program yang pertama kali diadakan dan kami tidak menyangka mendapat sambutan yang begitu menggalakkan.

Selain anggota SUKSIS, warga UniMAP dan penduduk setempat turut mengambil peluang menyertai acara-acara ini sekaligus memberi impak positif kepada komuniti setempat,” kata beliau.

Sementara itu, Timbalan Komandan Kor SUKSIS, Supt./KS Prof Madya Dr. Khairul Nizar Ismail melancarkan upacara pelepasan ‘5KM Zorro Run’ manakala upacara penutup disempurnakan oleh ASP/KS Raja Shah Erman Raja Arifin.

Turut hadir Pengetua Kolej Kediaman Uniciti Alam Tuan Syed Akhmal Syed Jamalil, Presiden Kelab SUKSIS UniMAP Muhammad Ikhwan Faruk Abdul Karim, Pegawai Latih dan Jurulatih Kor SUKSIS.

Selain acara-acara menarik berkenaan, Unit Tabung Darah Hospital Tuanku Fauziah turut membuka peluang kepada peserta dan orang ramai untuk menderma darah.

Dikeluarkan Oleh :

Aininulniza Mohd Yusof (aininulniza@unimap.edu.my)

Pegawai Perhubungan Media UniMAP